

۱ شریں ثانی
۱۹۲۶

تورک تاریخ انجمنی

اون آلتنجی سنه
نومرو ۱۸ (۹۵)

مجموعہ سی

— بېليو غرافيا —

اسلام تاريخ عموميسنه د ژر بر اثر مهم

E. von Zambaur., Manuel de Généalogie et de Chronologie pour l'histoire de l'Islam. Première Partie, in-4°, 160 pages, Hannovre 1927 (Orient=Buchhandlung H. Lafaire).

مؤلف فاضل مير آلاي فون چامباوهر بزه يابانجي بر سيا دکلدر. حرب عمومي ائناسنده متفقمز اولان آوستريا اوردوسنک الک مقتدر، الک ممتازضا بطنندن بري ایدی. کنديسني دها اسکیدن کړک شخصاً، کړک آثار منتشره سيله طانيردق. مستشرق فون چامباوهر علی العموم مسکوکات شرقیه و بالخاصه مسکوکات اسلامیه ایچون بر متخصص بی نظيردر. حرب دوام ايتديکی مدنجه مشاغل کثيره نه رغماً اختلاس وقت ايده رک موزه مزده موجود ساسانی سکالرينی بر قولکسيون حالنده تنظيم ايتش و عين زمانده احمد توحيد بک ايله برلکده بيکلرجه مسکوکات اسلامیه بی تدقيق وتصنيف ايله مشلردی. معلوم اولدیني اوزره ساسانيه سکالري پهلوی خطوط ايله مضروب اولوب يالکز ايرانک اهل اسلام طرفندن فتحندن صوکره کلن واليرک اسملري علی الاکثر عربجه اولارق محرردر. برده (بسمله) و عبارات سائر علاوه قيلنمشدر. هر حالده بو نوع سکالرك يازيلرينک حل و قرائتی پک مشکل و متخصصری آزدر. فون چامباوهرک بو صورته موزه مزه خدمتی ثابان تقدیردر.

مومی ايله کتابلرينی علی الاکثر فرانسجه يازدیني کبی بو دفعه انتشار ایدن واسی بالايه درج اولونان انسای و تقویمی اثر دخی فرانسجه در. بويله بر اثرک نشریني فون چامباوهر چوقدن تصور ایدردی. ايسته بر چوق سنه صوکره بونی قوه دن فعله چيقاردی. آلیمزده بولونان برنجی جزؤنده مقدمه و اثره دائر ايضاحات يوقدر. بونلرک ايکنجی جزؤده بولوناچغنی ظن و اميد ايده رز. فقط بو برنجی قسمک شويله سطحی بر مطالعه سندن مؤلفک نه واسع معلوماته صاحب اولدیني و سلاله لرك

اسامیسی و سلسله نامەلری ایچون نە قدر اُمک صرف ایتدیکی قولایجه نمایان اولور .

کتابک مندرجاتنه کلنجه بو برنجی جزؤک آلدیغی ۸ بیوک قسمده کی سلاله لریک عددی ۱۵۵ در . بونلری برر پارچه مطالعه ایدم :

برنجی قسم ، مؤرخلرجه اسکیدن بری متخذ اولان اصوله استناداً ، (خلافت) عنوانیه خلفای راشدین ، أمویلر ، اندلس أمویلری ، بغداد عباسیلری ، مصر عباسیلری ، خلفانک وزراسی ، امیرالامرالی ، اسمریله سنه لریله صایلدقندن صوکره برمکیلر ، مهلبیلر ، خاقانیلر ، بنی فرات الخ الخ کبی تفرد ایتیش و عادتاً حکمدارلر صیره سنه کچمش اولان عاقله لر قید اولونمشلردر . أمویلرک و عباسیلرک سلسله نامەلریخی کوره مدک . بزجه بو بر نقیصه تشکیل ایدر . بلکه جزؤ ثانیده کله جکدر ، یاخود پک معلوم اولدیغندن تکراره لزوم کوریللمشدر .

ایکنجی قسم (امصار) نامیه موسومدر . بونده یالکز ساسی و اداری مراکز جسیمه ده مقیم والیلر محرردر . از جمله خلفا دورنده مکه شرقاسی و والیلری ، مدینه ، قاهره ، شام ، حلب ، موصل ، بغداد ، بصره ، نیشابور الخ والیرینک اسامیسی اوزون جدوللرایله ارائه اولونمشلدر .

اوچنجی قسم (اسپانیا) سلاله لریدر . بونده باخصوص طوائف ملوکک عددی یکریمی یدییه بالغ اولیورکه بونلری طوپلایاییلکم ایچون نە درین تبعاته احتیاج مس ایدر . بو قسمده یالکز اسپانیانک اک صوک اسلام دولتی اولان غرناطه ده بنی نصر (یاخود بنی احمر) ک سلسله نامەسی موجوددر . دردنجی قسم (آفریقا) ویشنجی قسم (مصر و سوریه) دولتلری اولوب بونلرده غایت متنوع و مهم سلاله لر نظر دقته آلمشدر . سچلماسه ده بنی مدرار ، سیجیلیاده اغلی و فاطمی والیلری ، بنی کلب و اغلی دولتنک سلسله نامەسی ؛ مغرب اقصاده فاس سلطانلری اولان شرقای سعديه و فلالیه نک اسامیسی ؛ عثمانیلر زماننده جزایر وتونس والیرینک و بکلرینک اسامی جدوللری اولدجه مکملدر . سودان و محرای کبیرده اسملری قولای قولای بولونماز بر طاق سلطانقلر و امیرلکلر کوسه تریلمشدر . فاطمیلرک و ایوبیلرک سلسله نامەلری فضله تفصیلاتی حاویدر . مصر خدیولری ، سودان مهدیسی ، لبنان والیلری

اولان و هجری ۱۵ سنه سندن باشلایان بنی شهاب و درزی امیرلری اولان بنی معن ایله بشنجی قسم ختام بولور . آلتنجی قسم (عربستان) ه منحصر اولوب بوراده ۸۸ نجی سلاله اولارق یمن ده سانی والیرلی و بعده خلفا طرفندن منصوب والیرلر و مکّه و مدینه ده علوی امیرلر و بونلری متعاقب ده بوتون یمن دولتلری قید اولونمشدر . بونلری ده شمدی حجاز سلطانلری یرینه قائم اولان وهابیلر وهابله ده بنی رشید تعقیب ایدر . یدنجی قسم (عراق و الجزیره) بی محتویدر . فون چامباوهر بوقطعانک دولتلرینک سکه لرینه داترک چوق تدقیقاتده بولوندیغندن بالخاصه حمدانیلر مرداسیلر و بنی عقیل بیوک بروقوفله جمع ایدیلمشدر . اثرک بوبرنجی جزؤنک صوک یعنی سکزنجی قسمندن یالکزر بر پارچه سی موجود اولوب بونده ابتدا بر تفصیل سلچوقیلر ایله بدأ ایدرک صوکره بونلرک وارثلر اولان آناتولی طوائف ملوکی مندرجدر . ایشته بو صورتله جزؤ اوله ۱۵۵ سلاله داخل اولمش بولونیور .

بوجزؤده متن اولارق هیچ بر تاریخی ایضاحات یوقدر . یالکزر اسامی جدو- للریله سلسله نامه لر دن عبارتدر . فقط هر سلاله و هر دولت ایچون بر بیلیو غرافیا و نو طلر ده ده قیصه قیصه معلومات مفیده واردر . مؤلف علی الاکثر شرق منبعلرینه باقمشدر . علی الخصوص ابن الاثیردن عادتاً طارامق صورتیه استفاده ایتمشدر . پک چوق کره تاریخک عمود فقریسی اولان سکه لرلی اشهاد ایتدیکی کوریلور . ظن ایدر و زکه ، اسلام تاریخی متوغللری ایچون متما دی صورتده آلد بولونا جق بر اثردر . بزه بویه فائده لی بر کتاب اتحاف ایتمش اولماسندن طولای فون چامباوهری عن صمیم القلب تبریک ایدررز .

ضلیل اره سم